

四庫全書

史部

欽定四庫全書

萬壽盛典初集卷三十二

恩賚五

蜀賦四

康熙五十二年三月十八日

萬壽覃恩以承平已久生齒愈蕃直省人丁錢糧以五十年丁冊著為定額續生人丁永免加賦

先是康熙五十一年二月二十九日滿漢大學士九卿等奉

上諭朕覽各省督撫等奏編審人丁數目並未將加增之數盡皆開報今海宇承平已久戶口日繁若按現有人丁加徵錢糧實所不可人丁雖增地畝並未加廣應令直省督撫將現今徵收錢糧冊內有名丁數勿增勿減永為定額徵收錢糧嗣後所生人丁不必徵收錢糧編審時止將增出實數察明另造清冊題報朕凡巡幸地方所至詢問一戶或有五六丁者止一人交納錢糧或有九丁十丁者止二三人交納錢

糧詰以餘丁何事咸云蒙皇上洪恩並無差徭共享
安樂各安生理優游閒居而已此朕之訪聞甚晰者
前雲南貴州廣西四川等省遭叛逆之變地方殘壞
田畝拋荒不堪目覩自平定以來人民漸增相與墾
種無有遺業或堆沙積石難於耕種之地間或有之
其山谷崎嶇毫無棄地盡皆耕種矣由此觀之民之
滋生者實多朕欲知人丁之數非為加徵錢糧今國
帑殷裕屢歲蠲免雖至千萬凡國用所需并無遺悞

不足之虞故將直省現今徵收錢糧冊內有名人丁
永為定數嗣後所生人丁免加錢糧止將實數另造
清冊具聞豈特有益於民亦一盛事也直省督撫及
有司官編審人丁時不將實數開報特恐加徵錢糧
是以隱匿不據實奏聞朕並不為加徵錢糧止欲知
其實數耳嗣後督撫等倘不奏明實數朕於就近直
隸遣人逐戶挨察即可得實彼時伊等亦復何詞此
事毋庸速議俟典試諸臣出闈後爾等會同詳加確

議具奏

五十二年三月十八日

萬壽恩詔內一海宇承平已久戶口日繁地畝並未加
廣宜施寬大之恩共享恬熙之樂嗣後直隸及各省
地方官遇編審之期察出增益人丁止將實數另造
清冊奏聞其徵收錢糧但據康熙五十年丁冊定為
常額續生人丁永不加賦仍不許有司於造冊之時
藉端需索用副朕休養生息之至意

四月十九日戶部尚書臣穆和倫等謹

題為欽奉

恩詔事該臣等議得直隸各省康熙五十年編審丁數定為常額續生人丁永不加賦之處謹照

恩詔遵行外嗣後遇編審之期將新增人丁實數繕造清冊名為

盛世滋生戶口冊奏

聞如額徵錢糧人丁數內有開除者即將各該省新增

人丁補足額數至新增人丁倘不據實造冊開報或有私派錢糧造冊之時藉端需索等弊該督撫嚴查題叅可也本月二十一日奉

旨依議

臣等竊思丁之有徵由來舊矣攷之三代力役之征與布縷粟米等王制曰用民之力歲不過三日幽詩曰上入執宮功蓋謂此也後世易為輸將制雖異於古而實便於民自五方之風土

不齊因而立法各異有丁由戶起者亦有丁隨糧辦者由戶起者一戶止一丁自高曾以至孫子戶不改丁亦如故也隨糧辦者有糧即有丁以糧數之多寡定丁數之多寡而無糧者不與焉大抵列於冊之內者少而逸於冊之外者多即遇編審之期要亦徒循故事畧為增減而已周禮秋官司民掌登萬民之數自生齒以上皆書於版歲登下之三年大比以萬民之數詔司

寇司寇獻之於王原未有不登之民數也

皇上動與古合深悉民隱

命廷臣會議令天下督撫據實上

聞正在奏報又於

萬壽特恩

詔令續生人丁永不加賦仰見

睿慮周詳寬仁之典格外有加俾林林總總之衆咸得

熙熙皞皞共登

壽域慶生息之蕃免丁徭之擾

意美而法良

德洋而恩溥生

聖人之世為

聖人之民何其幸與謹錄粵西人民謝

恩一章其餘奏章俱彙入報謝

恩詔疏內并詳誌直省人丁實數俾千萬世而下知

盛世戶口之繁多皆

聖主休養生息之所致焉

巡撫廣西等處地方提督軍務兵部左侍郎兼

都察院右副都御史加三級臣陳元龍

題為呈懇俯賜轉詳代

題恭謝

天恩事據布政使司布政使黃國材詳據桂林等九府

屬紳衿里民秦琮等呈稱琮等生逢

聖世素沐

皇仁德教弘敷淪肌浹髓恩膏普被老安少懷欣逢

萬壽昌期又沐

皇恩肆宥特頒

恩詔新增幼丁永不加賦蠻煙瘴雨之鄉盡沐涵濡煦
育之澤斯誠曠古難逢千載一時琮等仰戴高
深感激下忱無由上達伏乞恩賜轉請據情代
題等情到臣該臣看得粵西地界極邊戶口向來稀

少蒙我

皇上休養恩深施生德溥比來生齒漸加蕃庶從此千
年萬載日增月盛並未有量茲恭逢

萬壽六旬大慶特頒

詔旨續生人丁永不加賦凡厥兆民子子孫孫得免力
役之征攷之史冊亘古未聞遠邇歌頌老幼歡
騰無不焚香叩首頂祝

聖壽無疆茲據布政使黃國材詳據桂林等九府屬紳
衿里民秦琮等公呈懇乞代

題等情前來臣不敢壅於

上聞所有輿情感戴恭謝

天恩臣謹會同兩廣總督臣趙弘燦合詞代

題伏乞

皇上睿鑒施行康熙五十二年六月二十七日題八月

初三日奉

旨該部知道

附載直省編審人丁數目

直隸撫屬舊管人丁共三百四十四萬一千二百八十四丁新增人丁共二十八萬四千六百二十丁半開除抵補外實在人丁共三百四十四萬九千二百八十四丁半

奉天府屬舊管人丁共三萬八千八百九十六丁新增人丁共三千二百九十七丁開除抵補外實在人丁四萬一千九百四十三丁

江寧撫屬舊管人丁共二百七十一萬三百六

十九丁新增人丁共一萬九千二十五丁開
除抵補外實在人丁共二百七十二萬九千
三百九十四丁又歸并省衛黃快軍丁舊管
人丁共二十萬五千九百三十二丁新增人
丁一百九十二丁開除抵補外實在人丁共
二十萬二千三百八十二丁又蘇太等十衛
舊管人丁共三千八百七十三丁新收人丁
一百一十二丁開除抵補外實在人丁三千

八百七十三丁

安徽撫屬舊管人丁一百四十萬三千七百七
十七丁新增人丁六千九百八十二丁開除
抵補外實在人丁一百四十一萬七百五十
九丁又新宣等十二衛舊管人丁八千五百
九十三丁新增人丁一千八十八丁開除抵
補外實在人丁八千六百一丁

浙江撫屬舊管人丁二百七十四萬八千三百

三十七丁新增人丁七百九十丁實在人丁
二百七十四萬九千一百二十七丁又杭州
等十四衛舊管屯丁四千七百四十四丁新
增屯丁一十四丁實在屯丁四千七百五十
八丁

湖北撫屬舊管人丁四十五萬一千六百九十
八丁新增人丁一萬六千二百八十九丁開
除抵補外實在人丁四十五萬二千七百二

十六丁又各衛所舊管人丁七百四丁新增
人丁一百八十八丁開除抵補外實在人丁
七百五十一丁

偏沅撫屬舊管人丁三十三萬四千七百七十
七丁新增人丁一萬五千一百二十丁開除
抵補外實在人丁三十三萬五千八百四十
三丁

陝西撫屬舊管人丁二百二十四萬七千六百

三十五丁新增人丁四萬二千七百五十一
丁開除抵補外實在人丁二百二十四萬七
千六百九十二丁

甘肅撫屬舊管人丁三十九萬六千六十五丁
新增人丁一萬四千八百九十丁開除抵補
外實在人丁三十九萬六千二百一十八丁
又鞏昌府屬額外溢增人丁四十七丁

山東撫屬舊管人丁二百三十四萬三千二十

七丁新增人丁一十九萬九百七十二丁開
除抵補外實在人丁二百三十五萬五百四

十七丁

山西撫屬舊管人丁一百七十五萬一千四百
九十二丁半新收人丁二十三萬六千九百
丁開除抵補外實在人丁一百七十五萬八
千六百九十一丁半

河南撫屬舊管人丁一百八十萬一千六百四

十二丁新增人丁一十四萬六百三十二丁
開除抵補外實在人丁一百八十四萬七千
二百五十五丁

江西撫屬舊管人丁二百一十七萬三千三百
六十六丁新增人丁一十六萬一千九百丁
開除抵補外實在人丁二百一十七萬八千
七百七十七丁

福建撫屬舊管人丁一百四十七萬一百八十

四丁新增人丁一十八萬四千九百五十丁
開除抵補外實在人丁一百四十七萬二千
一百三十丁

廣東撫屬舊管人丁一百一十五萬二千八百
九丁新增人丁一千三百二十四丁開除抵
補外實在人丁一百一十五萬四千二十七
丁又衛所舊管屯丁六千五百七十丁新增
壯丁二百二十一丁開除抵補外實在屯丁

六千五百九十丁

廣西撫屬舊管人丁一十九萬八千六十八丁
新收人丁四千四十四丁開除抵補外實在
人丁二十萬一千四十七丁

四川撫屬舊管人丁八萬八千九百五十二丁
新增人丁二萬八千八百七十六丁開除抵
補外實在人丁一十一萬七千七百六十丁
雲南撫屬舊管人丁一十八萬四千一百八十

四丁新增人丁一萬六千八百八十四丁開
除抵補外實在人丁一十八萬四千四百二
十二丁

貴州撫屬舊管人丁二萬九百三十四丁新增
人丁二千七十四丁開除抵補外實在人丁
二萬一千三百八十八丁

欽定四庫全書

萬壽盛典初集
卷三十二

十三

萬壽盛典初集卷三十二

欽定四庫全書

萬壽盛典初集卷三十三

恩賚六

開科一

康熙五十一年四月二十四日丙子

上允禮部議覆直省舉人貢監生員李長庚陳大慶查
克弘等所請

特開

萬壽鄉會科每十年一舉永著為令以昭曠典以隆文

治

四月十五日各省舉人貢監生員

臣李長庚陳

大慶查克弘等謹

奏為太平聲教日隆多士歡騰益切恭逢

萬壽之昌期請舉千秋之曠典以祝

聖釐以揚文治事欽惟我

皇上乾元仁壽久道化成

御宇五十一年

聖德神功超越千古雨露深恩無所不被而右文愛士
重道崇儒作人之化日盛月新尤為史冊所未
有邇者

萬幾之暇

御製經書文字包天羅地內聖外王允足垂教萬世復
於新科會試中式進士

親加覆試禮遇優隆

御製西苑試士詩以示獎勵普天率土無不踴躍歡忻

臣等鄉會試十五省士子雲集京師戴

德如天報

恩無地伏念康熙五十二年恭遇

皇上萬壽正誕臣等身被

皇上教育五十餘年今又躬逢盛事千載一時願竭犬馬之忱敬效躋堂之祝設立

萬壽經壇鼎建

萬壽碑亭慶祝

聖壽其建亭之費臣等公赴禮部彙繳伏求

皇上廣覆載生成之量擴天地父母之心特於京闈開

萬壽鄉科禮闈開

萬壽會科

欽命題目

親加睿覽更請永為定例以後每遇十年

皇上萬壽正誕即加一科以彰太平盛典則光垂奕禩

照耀無窮矣謹

奏奉

旨碑亭不必建摺子交與禮部議

四月二十二日禮部尚書

臣松柱等謹

題為太平聲教日隆多士歡騰益切恭逢

萬壽之昌期請舉千秋之曠典以祝

聖釐以揚文治事

臣

等議得直隸各省舉人貢監生員

李長庚陳大慶查克弘等奏稱伏念康熙五十

二年恭遇

皇上萬壽正誕臣等身被

皇上教育五十餘年今又躬逢太平盛事千載一時願
竭犬馬之忱敬效躋堂之祝設立

萬壽經壇鼎建

萬壽碑亭慶祝

聖壽伏求

皇上廣覆載生成之量擴天地父母之心特於京闈開
萬壽鄉科於禮闈開

萬壽會科

欽命題目

親加睿覽更請永為定例以後每遇十年

皇上萬壽正誕即加一科以彰太平盛典等因具奏前

來欽惟我

皇上聖神格被久道化成武功赫濯而六合清寧文教
誕敷而萬方鼓舞加以旁求選俊明試登賢

天文垂雲漢之章作人揚壽考之盛普天胥慶薄海同

歡茲惟康熙五十二年恭遇

皇上六十萬壽日月升恒休徵協應天下士子沐教化

詠太平雲集京師虔祝

萬壽際此非常之慶合邀異數之恩今據李長庚等奏
請於京闈開

萬壽鄉科於禮闈開

萬壽會科應如所請以愜輿情但此係普天大慶曠典

出自

皇上特恩如蒙

俞允照順治丙戌科通行鄉試已亥科特行會試例於
康熙五十二年二月內舉行鄉試八月內舉行
會試其一應鄉會試事宜臣部另行酌議具奏
嗣後每遇十年

皇上萬壽正誕即加一科億萬斯年永為定例庶彰太
平盛典益收人才實效謹題請

旨本月二十四日奉

旨依議

八月十四日

上允兵部議覆浙江巡撫王度昭所請照文場例特開
萬壽武鄉會科每十年一舉永著為令以昭曠典六月
二十六日巡撫浙江等處地方提督軍務兵部

右侍郎兼都察院右副都御史

臣

王度昭謹

題為恭遇

萬壽開科普天同慶懇賜題請文武並舉以昭曠典以

廣作人事康熙五十一年五月二十四日據全
浙十一府七十七州縣學武生潘堯年祝永祺
等呈稱伏覩我

皇上御極以來

功軼百王

治隆三代經文緯武邁古振今茲際周甲

萬壽之辰首廣棧樸登賢之路

弘恩遠沛率土騰歡堯年等生逢盛世共享太平五十

年教養之

深仁文武從無二視鄉會科賓興之鉅典輔樞竝重一時今文生已得邀亘古未有之

竒恩而武士亦願沐

壽考作人之雅化仰祈俯鑒輿情特疏題請

殊恩異數一視同仁俾赴桓共祝升恒師濟均霑雨露
永垂定例咸慶無疆等情隨批仰布政司查例

報奪茲據浙江布政使司布政使徐攬詳稱該

本司查得康熙五十二年恭遇

皇上萬壽正誕普天齊慶士庶歡騰特沐

皇恩開科取士此誠我

聖朝千載一時之盛遇也溯查順治丙戌科通行鄉試
雖武生未有舉行之例但近奉

俞旨新恩各營兵丁有通曉文義者准與武生一體鄉
試而現任千把弁員又准與武舉一體會試乃
從來未有之曠典今據浙省屬學武生合詞公

額

萬壽開科仰請文武並舉士心懇摯理合詳請會題以
慰士心以廣作人之盛典者也等因到臣據此
該臣看得康熙五十二年恭遇

皇上萬壽正誕特沐

皇恩開科取士據浙省屬學武生潘堯年等呈稱五十
年教養之

深仁文武從無二視鄉會科賓興之鉅典輔樞並重一

時今文生已得邀亘古未有之

奇恩而武士亦願沐

壽考作人之雅化籲懇一視同仁文武並舉等情經

臣

批司查議順治丙戌科通行鄉試武生雖未有
舉行之例但近奉

俞旨新恩各營兵丁有通曉文義者准與武生一體鄉
試而現任千把弁員又准與武舉一體會試乃
從來未有之曠典我

朝文武並重

萬壽開科普天同慶武生踴躍籲懇並舉詳請會題前來臣不敢壅於

上聞但可否俯順士心文武一體舉行出自

皇仁仰候

聖裁臣謹會同督臣范時崇合詞具

題伏乞

皇上睿鑒勅部議覆施行七月二十二日奉

旨該部議奏

八月初十日兵部尚書

臣殷特布等謹

題為恭遇

萬壽開科普天同慶懇賜題請文武並舉以昭曠典以

廣作人事該

臣等議得浙江巡撫

臣王度昭疏

稱康熙五十二年恭遇

皇上萬壽正誕特沐

皇恩開科取士據浙省武生潘堯年等呈請一視同仁

文武並舉等語查順治丙戌科通行鄉試雖武
生未有舉行之例但近奉

俞旨兵丁准與武生一體鄉試十把准與武舉一體會
試可否文武生一體舉行出自

聖裁等因具題前來欽惟我

皇上學貫天人德全智勇守成兼開創而獨隆四表八
荒無思不服文教與武功而並重六韜三畧有
美皆收屆茲

萬壽之昌期宜舉千秋之盛典查順治丙戌科文生通行鄉試武生雖未有舉行之例但近奉

俞旨兵丁准與武生一體鄉試千把准與武舉一體會

試此皆

皇上格外弘仁恩澤自天而歡聲動地者也茲康熙五十二年恭遇

皇上六旬大慶各省文生已邀

曠典准於二月鄉試八月會試今武生亦應一視同

仁准於五十二年四月鄉試十月會試使文武

同霑

聖壽之弘恩齊祝萬年之盛事如蒙

俞允臣部通行各直省八旗一體遵行至鄉會試一應

事宜臣部另行酌議具奏嗣後每遇十年

皇上萬壽正誕亦照文場之例即加武鄉會一科庶

曠典攸昭而人才益勵矣臣等未敢擅便謹

題請

旨本月十四日奉

旨依議

五十二年二月初九日順天及各省布政司

萬壽科鄉試禮部先期按道里遠近請差主考

上以次遣官分典試事

五十一年十月十二日禮部密題請雲貴主考

官本月十六日

欽點翰林院編修周彝內閣中書查布札納為雲南主

考官翰林院編修潘體震通政使司知事常住
為貴州主考官雲南於三月初三日放榜取中
孫士鶴等六十名貴州於二月二十八日放榜
取中柴大用等四十名

十一月十二日禮部密題請四川廣西廣東福
建四省主考官本月二十日

欽點吏部驗封清吏司郎中裘君弼禮部精膳清吏司
主事趙守易為四川主考官吏部稽勳清吏司

郎中郭晉熙內閣中書舍人盧弘熹為廣西主
考官翰林院編修查嗣琛禮部儀制清吏司主
事鄒瑄為廣東主考官翰林院檢討謝履忠工
部虞衡清吏司主事董之燧為福建主考官四
川於二月二十六日放榜取中何淮等七十一
名廣西於二月二十四日放榜取中王廷鐸等
四十九名廣東於三月初三日放榜取中莊論
等七十二名福建於三月初三日放榜取中江

日昇等八十九名

十二月初十日禮部密題請浙江湖廣江西三省主考官本月十六日

欽點翰林院侍讀學士汪澂翰林院檢討吳相為浙江主考官太僕寺少卿嚴虞惇翰林院檢討李天祥為湖廣主考官 經筵講官禮部右侍郎兼翰林院學士胡作梅翰林院檢討王士銓為江西主考官浙江於三月十三日放榜取中羅鼎

謙等一百三名湖廣於三月十一日放榜取中
金相等一百十三名江西於三月初六日放榜
取中周弘勳等九十四名

十二月十九日禮部密題請陝西江南河南三
省主考官本月二十二日

欽點

日講官起居注翰林院編修俞長策工部營膳
清吏司員外郎李士瑜為陝西主考官都察院
左僉都御史呂履恒戶部湖廣清吏司郎中喬

雲名為江南主考官詹事府少詹事兼翰林院
侍講學士梅之珩翰林院編修阿克敦為河南
主考官江南於三月十一日放榜取中許遡中
等一百三名陝西於三月初六日放榜取中張
大本等六十七名河南於三月初六日放榜取
中孟載有等七十八名

五十二年正月十八日禮部密題請山東山西
二省主考官本月二十一日

欽點吏科給事中盧炳翰林院編修俞兆晟為山東主
考官禮科掌印給事中陳允恭翰林院編修俞
梅為山西主考官山東於三月初三日放榜取
中薛以畊等七十六名山西於三月初三日放
榜取中李徽等六十七名

二月初四日禮部密題請順天主考官本月初
六日

欽點戶部尚書張鵬翮 日講官起居注翰林院侍講

文志鯨為主考官於三月十三日放榜取中霍九錫等二百三十八名

四月

萬壽科順天武鄉試

上遣官較射主考其各省武鄉試照例以巡撫監臨主考

四月初四日兵部密題請順天武鄉試較射主考官

欽點兵部左侍郎李先復兵部右侍郎巴顏柱為較射
官 日講官起居注翰林院檢討阿爾賽翰林
院編修車鼎晉為主考官取中金璋等一百五
十一名

各省取中武舉名數

江南王彭年等六十三名

浙江戚師塘等五十名

湖廣岳大忠等五十名

江西劉有梅等四十名

福建陳名臣等五十名

山東仙磊等四十名

山西姚夢熊等四十名

河南劉璉等四十七名

陝西盧璞等三十名

甘肅周之藩等三十名

廣東張斌授等四十名

廣西唐斌等三十名

四川蕭康侯等四十二名

雲南竇和鼎等四十二名

貴州譚正道等二十名

八月

萬壽科會試天下舉人於禮部

欽定知貢舉主考同考等官并八旂直省中式舉人額

數

八月初一日禮部密題請會試知貢舉主考同
考等官初六日

欽點

經筵講官禮部右侍郎兼翰林院學士胡作梅

為知貢舉官 經筵講官文淵閣大學士兼禮

部尚書王掞 經筵講官工部尚書王頊齡兵

部左侍郎李先復內閣學士兼禮部侍郎沈涵

為主考官翰林院檢討蔣肇編修蔡學洙嵇曾

筠楊開沅檢討諸起新編修方覲須洲惠士奇

檢討黃越曹掄彬編修徐葆光禮科給事中詹
嗣祿吏部考功清吏司員外郎陳廷掄稽勲清
吏司員外郎魚鸞翔驗封清吏司員外郎葉弘
綬刑部江南清吏司郎中陳元工部都水清吏
司郎中陸遐昌為同考官

八月初十日禮部尚書臣赫碩色等謹

奏為請

旨事查康熙五十一年會試滿洲蒙古滿字號取中四

名漢軍合字號取中二名雲南雲字號取中三
名廣西廣字號取中二名貴州貴字號取中二
名其餘各省分南北字號共取中一百四十六
名於額外取中五經五名通共取中一百六十
四名又額外

欽賜取中十三名康熙五十一年四月內九鄉會議具
題內稱奉

上諭近見直隸省考取進士額數或一省偏多一省偏

少皆因南北卷中未經分別省分故取中人數甚屬不均今文教廣敷士子俱鼓勵勤學各省赴試之人倍多於昔貧士自遠方跋涉赴試至京每限於額多至遺漏朕深為軫念自今以後考取進士額數不必預定俟天下會試之人齊集京師著該部將各省赴試到部舉人實數及八旗滿洲蒙古漢軍應考人數一并查明預行奏聞朕計省之大小人之多寡按省酌定取中進士額數考取之時就本省卷內擇其佳

者照所定之數取中如此則偏多偏少之弊可除而
學優真才不至遺漏矣著九卿詹事科道確議具奏
欽此九卿詹事科道等會議得嗣後會試不必預定
額數亦不必編南北字號按各省分編號印卷
面既分省分不必復編官民字號止憑文取中
其滿洲蒙古漢軍亦編滿洲蒙古漢軍字號直
隸各省會試舉人到齊及滿洲蒙古漢軍進場
實數禮部預行查明奏

聞恭候

皇上酌量省分大小人數之多寡定額於

命下之日行文主考就各省卷內擇其佳者照所定之

數取中等因具

題奉

旨依議欽此欽遵在案今

萬壽開科會試准至公堂查明移開舉人進場實數滿

洲七十一卷蒙古一卷漢軍二十二卷直隸四

百九十三卷奉天二十一卷江南三百五十六
卷浙江三百五十六卷湖廣二百五十八卷江
西二百八十卷福建一百八十卷山東三百三
十六卷山西二百二十卷河南三百四卷陝西
一百九十卷廣東一百二十二卷廣西五十卷
四川九十九卷雲南八十五卷貴州六十二卷
相應奏

聞恭候

皇上欽定取中數目俟

命下臣部交與主考官就各旗省卷內擇其佳者照

欽定之數取中以仰副我

皇上愛育人材公平周密之至意又至公堂移稱分經
分房之處仍照舊例遵行五經卷數無幾若再
分別恐易徇私應將五經硃卷停其分編滿漢
直省各印記等語應將分經分房俱照舊例遵
行五經硃卷停其分編旗省各印記可也為此

一并謹奏請

旨本月十五日奉

旨這會試滿洲蒙古取中四名漢軍取中二名直隸取
中二十二名奉天取中一名江南取中三十名浙江
取中二十名湖廣取中十二名江西取中十三名山
東取中十五名山西取中十名河南取中十五名福
建取中八名陝西取中九名廣東取中六名廣西取
中三名四川取中四名雲南取中四名貴州取中三

名五經取中五名餘依議

九月初十日放榜取中舉人孫見龍等一百八十六名

十月

萬壽科會試天下武舉

欽定知武舉監射主考等官

十月初四日兵部密題請武會試知武舉監射主考同考等官

欽點兵部右侍郎仍兼管光祿寺事田從典為知武舉

官管侍衛內大臣公鄂倫岱管侍衛內大臣侯

巴渾特鑲白旂漢軍都統偏圖文華殿大學士

兼禮部尚書松柱為監射官 經筵講官刑部

尚書張廷樞 日講官起居注詹事府少詹事

兼翰林院侍講學士王奕清為主考官吏部考

功清吏司郎中郭晉熙考功清吏司員外郎陳

廷綸戶部湖廣清吏司郎中喬雲名湖廣清吏

司員外郎趙成穠為同考官

十月二十二日放榜中式武舉金昆等一百八
名

十月初九日癸未

上策試天下貢士孫見龍等於

太和殿

十月初五日禮部密題請用讀卷官員

欽點文華殿大學士兼禮部尚書松柱文淵閣大學士

兼吏部尚書李光地文華殿大學士兼吏部尚

書蕭永藻 經筵講官文淵閣大學士兼禮部

尚書王掞內閣學士兼禮部侍郎綽奇常泰鄒

士璉沈涵 經筵日講官起居注都察院左都

御史仍兼管翰林院掌院學士教習庶吉士揆

敘吏部尚書暫理戶部尚書事張鵬翮 經筵

日講官起居注吏部右侍郎仍兼管翰林院掌

院學士教習庶吉士湯右曾戶部右侍郎廖騰

燿 經筵講官禮部左侍郎兼翰林院學士王

思軾 經筵講官工部尚書王頊齡為讀卷官

初九日早諸貢士赴

太和殿前

殿試

皇上賜策問

奉

天承運

皇帝制曰朕惟治天下之要務莫先於敬持其心心者所以飭官方勵人才而消釁孽之本也自御極以來翼翼兢兢五十餘年如一日至於大小臣工無時不以國爾忘家以人事君之義相為告戒焉邊疆雖靖尤加意於武備之修凡以立國之道德威不可偏廢古帝王所以深根固本杜漸防微是朕之所夙夜而不敢康者也書曰儆戒無虞又曰制治未亂保邦未危今國家承平日久文恬武嬉朕惟唐虞成周之隆

君臣所以動色咨警者豈過慮歟無亦察於天命人心之理而無荒無怠期以長凝

上天之眷而永底蒸民之生也其何以使中外臣僚悉喻朕意歟夫洪範進人有猷有為歸於有守周官弊吏則能法之類必首以廉然則廉隅者士行之先也服官之本也督撫者州縣之師部院大臣者百寮羣吏之表故李膺按部而貪墨為之解官楊綰登朝而勲舊為之撤樂今吏道未盡澄清官邪未盡振肅其亦

倡率之道有所未至歟易曰拔茅茹以其彙書曰舉能其官惟爾之能稱匪其人惟爾弗任內而部院卿貳外而督撫提鎮朕所寄腹心耳目也有所薦舉朕必虛心而採用焉然課其成效往往不能悉副任使者何也夫無至公之心則知交姻婭各徇其所私無至明之識則劣品庸流各阿其所好古大臣薦賢不使人知而補牘必爭夾袋必滿者其風豈遠歟立政之篇致意於庶言庶獄庶慎而終以克詰戎兵古者

簡閱車徒一年而四舉焉朕鑒於前代慎選將勤恤
兵甄微勞酬壯烈留神戎事用樹國威然自禁旅之
外所在營伍盡能核軍實而肅行陣歟夫練習不素
則技勇之藝疎節制不嚴則驕惰之兵衆其何以振
紀宣威使國家長收衛民之用也要之潔清自勵則
援引必公而小大莫非法廉之選憂危共惕則防維
必至而內外永享寧謐之休朕之所以勅臣工者即
其所以望多士者也爾多士其悉據所學以對朕將

親覽焉

十二日丙戌

上御太和殿王以下文武百官各朝服齊集鴻臚寺官
傳

制賜王敬銘等進士及第出身有差

十二日早讀卷等官并諸王以下公以上文武
百官各具朝服赴

太和殿前侍立禮部官捧

黃榜置於

丹陛正中黃案上鴻臚寺官傳

制唱名

第一甲

賜進士及第王敬銘任蘭枝魏廷珍

第二甲

賜進士出身楊繩武等五十名

第三甲

賜同進士出身朱向中等一百四十三名

附載恩榮次第

十四日

賜宴於禮部二十一日

賜狀元頂帽披領帶等物及進士折鈔銀兩二十四日

狀元率諸進士上

表謝

恩二十五日狀元率諸進士詣

先師孔子廟行禮

十一月初七日辛亥

上策試天下武舉金昆等於

太和殿閱日復較射於西廠

十一月初一日兵部密題請用讀卷官員

欽點文華殿大學士兼吏部尚書溫達文華殿大學士
兼禮部尚書松柱文淵閣大學士兼吏部尚書

李光地文華殿大學士兼吏部尚書蕭永藻

經筵講官文淵閣大學士兼禮部尚書王掞內

閣學士兼禮部侍郎綽奇沈涵常泰 經筵日

講官起居注都察院左都御史仍兼管翰林院

掌院學士教習庶吉士揆敘吏部尚書暫理戶

部尚書事張鵬翮 經筵日講官起居注吏部

右侍郎仍兼管翰林院掌院學士教習庶吉士

湯右曾 經筵講官刑部尚書張廷樞都察院

左都御史劉謙通政使司右通政王景曾為讀

卷官

初七日早諸武舉赴

太和殿前

殿試

皇上賜策問

奉

天承運

皇帝制曰自古承平日久則武備或致不修朕統御萬

方永維所以久安長治之道故加意疆場推心闡外
無時不圖度於懷也夫為民之衛者兵司兵之命者
將古之大將以仁義律身夫是以操如冰霜恩如雨
露令之行也如風雷信之堅也如金石朕於簡任將
帥訓飭有加焉而未能悉副朕心者其故安在夫必
平日得士卒之懽然後臨事可以用三軍之命古未
有不恤兵而能制勝禽敵者今或坐享安榮而於衆
士甘苦漠不周知甚且冒兵剋餉以自肥者有焉身

家之念重則營伍之恩薄欲得萬人齊心同仇敵愾
豈不難歟然則恤兵之要尤在潔已故廉則生惠公
則能愛古大臣之風其遂邈不可嗣歟賞罰者馭衆
之大權也而於軍中尤重非信賞則無以結其心而
鼓其氣非必罰則無以肅其法而厲其威今為將而
或未能盡斯道者何歟母乃漫無紀律而賞罰之不
講歟抑因其吝於賞故不敢果於罰以私意苛於罰
故因以私意濫於賞歟寬嚴之施恩威之用何道而

適其中也要之潔已者恤兵之本而潔已恤兵者尤
信賞必罰之本潔已則服人也素賞固服而罰亦服
也恤兵則感人也深賞固感而罰亦無怨也為將之
道宜無大於此者爾多士皆欲為國家宣力四方者
其悉摠所學以對朕將親覽焉

初八初九日

上御暢春園之西殿

親試馬步箭

初十日甲申

賜宋如栢等武進士及第出身有差

初十日早讀卷等官并諸王以下公以上文武

百官各具朝服赴

太和殿前侍立兵部官捧

黃榜置於

丹陛正中黃案上鴻臚寺傳

制唱名

賜武狀元盛甲等物

第一甲

賜武進士及第宋如栢丁士傑趙連

第二甲

賜武進士出身王聯舉等十二名

第三甲

賜同武進士出身江國維等八十一名

附載會武次第

十一日

賜宴於兵部十二日

賜武進士折鈔銀兩十三日武狀元率諸進士上

表謝

恩

右開科盛典文武鄉會試及文武廷試制詳典鉅

至再至三_臣等撰次成帙伏念是歲特科_臣等或

身蒙任使分典試事或子弟被舉發科或身受

殊恩成進士列史館今復備員記注載筆之餘得仰窺
皇上壽考作人之化不禁抃舞之私自慶遭逢之獨盛
也竊惟聖人統馭天下其所分猷而共理者賢
才而已賢才聚於選舉而原本於治化之隆其
涵濡也深則其發之也彌盛其陶淑也久則其
取之也愈多易曰聖人久於其道而天下化成
又曰拔茅茹以其彙征吉自古邳隆之世所以
炳耀無窮也昔在唐虞皆以聖人登上壽闕四

門明四目達四聰其風尚矣夏有顓俊之文殷
有旁求之訓爰洎成周人才尤盛棫樸之詩鄭
箋以為文王是時年九十餘故有遐不作人之
頌兩漢以來文有賢良孝廉諸科武有剛毅勇
猛諸選州郡勸駕天子親策之若乃進士之科
肇於隋代武舉之設著於唐初建隆立殿試之
規治平定三年之例分經閱卷至紹定而始詳
三場條目至洪武而加密莫不甄拔幽遐助宣

王化然大抵限之以年歲拘之以成例非有特
達之恩敦崇曠典昭示來世也考之唐志惟天
子巡狩封禪文學將畧之士往往會見行在宋
祥符元年東封車駕所經之地特令發解考試
四年祀汾陰崇政殿試及第出身三十一人七
年朝謁乾清宮詔舉亳州開封五十人他如嘉
祐之祫饗熙寧之郊赦亦命諸路搜訪人才召
試舍人院要皆行焉而未徧徧焉而為數未廣

蓋特示曠舉於一時而非本於壽考作人之盛
治雖欲博攬遐收永垂勝軌其勢固有所不能
也我

皇上秉聰明首出之姿裕表正萬邦之畧體道凝神至
誠無息氛祲靖於四國淑氣徧乎里巷沉濡溥
濩五十餘年民生累世相仍有猷畝衣食之饒
無動容變色之慮洋洋乎郁郁乎斯固鴻鈞之
所以毓祥川岳之所以降神者也屢發帑金修

文廟

幸闕里釋奠

先師又躋朱子祀十哲之次

御製訓飭士子文示以躬修實踐砥礪廉隅之要反覆
惓惓家喻而戶曉啟經筵陳義府闡六經之旨
發明宋五子之書使千秋絕業煥乎若揭日月
而行禁絕淫辭攘斥邪說以端士習定民志慎
簡學使暨鄉會典試之臣仍歲以來增進學之

員廣賓賢之額

異數殊恩有加無已又復嚴科舉積習之弊風清紀肅
實學知勸凡所以戒用休董用威者甚詳而有
則也夫本至德以導之揚深仁以育之崇正學
以率之寬採擇之途以鼓舞之嚴懲創之法以
震厲之而又漸摩於數十年之久以浸尋而行
溢之是以

聖教浹於肌膚淪於骨髓近自輦轂遠逮山陬海澨之

間靡不蒸蒸向風管絃鐘鼓之聲道里相望而其才之足以備疏附奔奏先後禦侮者蓋不可勝數也歲在癸巳恭逢

萬壽六旬大慶四方之士景附風靡羸糧躡屩不遠萬里來集京師相與稱兕觥祝

萬壽請建碑亭以垂永久夫豈作而致之哉其沐浴於教澤者深而忠愛之誠發於心之所不言而同然也我

皇上運齊政之衡布垂天之網大生成之量宣昭曠之
恩

特諭通行各省竝舉

萬壽恩科鄉會以次而行文武均被其澤仍定例每遇
十年

皇上萬壽正誕即加一科億萬斯年永著成憲又以文
教廣敷各省取中進士多寡不均或致高才遺
佚

特諭禮臣以各省赴試人數奏聞

親加睿裁分省定額以昭公平周密之至意方歲之冬
旅進所取文武之材

臨軒次第策試之多士幸際昌期虎嘯而風從龍翔而
雲集揚

清問望耿光弭節天衢迴翔衡漢豈非千載一時不可
逢之良會乎夫施德匝於區宇至廣也取材彙
於殊途至衆也嘉數協於岡陵至久也甄選均

乎直省至公也權衡定於密勿至慎也聞之天
不愛道則卿雲見地不愛寶則器車作含靈仁
壽鍾英孕竒將必有深厚雄傑個儻非常之才
宣化承流旁作穆穆潤色太平之偉業鋪揚格
天之鴻休豈不盛哉至於天錫純嘏日月升恒
億萬斯年恩流罔斁

聖壽有無疆之休多士亦有無疆之慶洪輝芳躅史冊
歲蕤踵事而書之固未有艾也謹附士子謝恩

章疏於後用誌

王多吉士媚於

天子之盛焉



欽定四庫全書

萬壽盛典初集
卷三十三

三十七

萬壽盛典初集卷三十三

欽定四庫全書

史部

萬壽盛典初集卷三十四

詳校官宗人府府丞臣實光鼎

編修臣程嘉謨覆勘

總校官知縣臣楊懋珩

校對官中書臣徐步雲

謄錄監生臣官懋弼

欽定四庫全書

萬壽盛典初集卷三十四

恩賚六

開科二

順天府府尹臣屠沂等謹

題為普天士子感沐

皇仁仰祈代

題恭謝

天恩事據直隸各省舉人貢監生員李長庚陳大慶查

克弘董俊等二百四十一人呈前事內稱欽惟
我

皇上

德侔天地

功竝生成

剛健文明集百王之道統

雍熙仁壽開萬世之昌期作人冠於古今教澤深於
雨露科名特設

曠典欣逢十五省太平之化日盛月新億萬年壽考
之科天長地久實

熙朝之盛事極多士之殊榮

俞旨自天歡聲動地

長庚

等躬逢

盛世幸列儒林

聖壽無疆益切嵩呼之願

皇恩似海長深華祝之私謹焚香頂祝叩謝

天恩懇祈俯准輿情代達

宸聽等情到

臣欽惟我

皇上

道協乾行

德符仁壽

右文稽古

重道崇儒

俯鑒十五國之輿情

特頒億萬年之曠典凡茲人士咸思奮志

昌期即在臣工亦慶觀光

文治從此作人之化如日方升永依

壽考之君與天同運今據士子感激真誠恭請題謝

天恩臣不敢壅於

上聞為此恭疏代

題伏乞

睿鑒施行

巡撫直隸等處地方管轄紫荆密雲等關隘贊

理軍務兼理糧餉都察院右副都御史世襲一

等精奇尼哈番加九級

臣趙弘燮謹

題為

萬壽無疆

俞准開科普天慶祝恭謝

天恩事據署理直隸守道事務巡道李成龍詳稱據保

定等九府屬舉貢生監張嵩齡耿永年等呈稱

欽惟我

皇上

聖敬日躋

壽域天開

文德邁勳華登四海崇文之治

道源接軒昊啟萬年有道之祥

祿位名壽之徵獨超千古

高厚悠久之盛合撰兩儀茲以來歲三春恭遇

六旬萬壽慶泰運之無疆萃人文而同慶

特允十五省士子之請舉行鄉會兩科十里杏林花發
預薦鹿鳴九秋桂子香飄還題雁塔每遇十年
弘開兩試自

六旬以至億禩定為成規由畿輔以達九州欣逢

特典

嵩齡

等幸瞻

化日仰慶

遐齡願申三祝以抒誠先望

九重而鳴謝伏祈轉達俯賜代陳等情到道欽惟我

皇上

德邁三皇四海樂無為之治

化隆五帝萬年慶有道之禎彩溢瓊臺堯年益茂壽

添海屋舜旦彌長今以五十二年恭際

萬壽六旬之期

特頒一歲兩科之制臣工奉

詔喜溢盈廷多士蒙

庥歡呼動地將見我我髦士盡為

盛世之禎藹藹吉人悉作

聖朝之彥理合據情呈請代

題等因到

臣

欽惟我

皇上

神姿天授

聖德日新重道崇儒屢廣科名之額闢門籟俊大開登
進之途固已薄海沐甄陶咸仰堯天之浩蕩寰
區蒙教育共瞻舜日之舒長矣茲以來歲五十

二年恭逢

皇上六旬萬壽

俞允多士之請

特開鄉會之科益徵久道之化成羣頌作人之

壽考璿璣廣運人文佐

壽域而俱昌玉燭常調奎壁拱

微垣而彌燦普天同慶士庶騰懽茲據署守道事巡道李

成龍詳請前來所有感激懽忭輿情臣不敢壅於

上聞理合代

題稱謝伏乞

睿鑒施行

奉天府府尹加一級臣李濤謹

題為

皇仁浩蕩難名士子感戴無已籲請代

題恭謝

天恩事據奉天府九屬舉貢監生員唐廷儀鐵如金等

呈稱欽惟我

皇上

統紹一中

功高萬古

聖德廣被沐大造之生成文教攸隆歌太平之歲月茲
康熙五十二年

特開

萬壽恩科日月光華久覩闢門之典風雲遭際更瞻曠

世之恩從此集禮樂於三千共見菁莪布化抑
且紀春秋於八百欣看黨莢呈祥儀等才慚雁
塔志切鵬程

綸綍自天喜常新之

聖治歡呼動地頌永固之

皇圖懇冀俯鑒輿情具題代達

宸聽等情前來臣不敢壅於

上聞理合具題伏乞

皇上睿鑒施行

巡撫浙江等處地方提督軍務兵部右侍郎兼
都察院右副都御史帶理江寧巡撫印務臣王
度昭謹

題為

聖壽萬年文治彌光於九有

皇恩特沛科名益盛乎八埏懇詳華祝微忱

題謝賓興異數事據江蘇布政使司布政使金世揚

詳稱據江蘇等屬舉人貢監生員朱士履范仁沛等呈稱士履等欣逢

盛世幸際

昌期久道化成咸荷

一人有慶闢門顓俊更瞻多士彙征茲惟康熙五十二年恭遇

皇上六十萬壽

升恒遐祉綿寶歷於無疆

仁壽永貞握璿圖而建極祝

聖久切躋堂之悃

作人尤開壽考之科文星依

御宿以增輝歌騰棧樸南極竝奎躔而永煥澤徧菁莪
從茲憶萬斯年長慶英賢入彀名言莫罄感頌

維殷伏乞轉詳代

題以達輿情等因到司據此該本司布政使金世揚
看得文垂天象微垣騰奎壁之光化育人才吉

士比鳳凰之羽欽惟我

皇上

至德遐敷

洪恩廣被時雍風動寰區久慶太平日升月恒來歲

恭逢

大壽當

禎符之協應

頒曠典以掄才登賢書而頌

九如瑞凝閭闔奮雲程而歌

十有喜溢蓬瀛定例永垂奕世丕顯相應據呈轉詳

伏候代

題等情到

臣

據此該

臣

看得瑤樞恒朗萃萬年篤祐

之祥蓋榜重開啟奕禩得人之慶欽惟我

皇上

道隆千聖

德竝兩儀已治已安皞皞羣遊於

舜日維仁維壽喁喁環舞乎

堯天恭逢

皇上六十萬壽之昌期欽奉

俞旨正誕加科之盛典禮闈選俊看花上苑而嵩呼鄉
校拔尤握瑾計偕而封祝

國楨倍植

寶錄無疆宜乎多士之感頌

聖恩籲請代

題恭謝也茲據布政使金世揚詳報前來臣謹會同
帶理總督印務江西撫臣郎廷極合詞代

題伏乞

皇上睿鑒施行

巡撫安徽寧池太廬鳳滁和廣等處地方提督
軍務都察院右副都御史加四級紀錄八次臣
梁世勲謹

題為

聖主壽考作人多士欣逢

曠典懇賜代

題恭謝

天恩事據安徽等十府州舉貢監生生員彭齡祝如山
等呈稱我

皇上心傳洙泗德茂唐虞雨露沛於九重普天動華封
之祝文教敷於四海多士賡天保之章恭遇五
十二年之寶曆欣逢

萬壽六十之昌期大沛

洪恩特開鄉會兩科億萬斯年永為定例此誠亘古所

未聞魏巍

聖德極盛難名縷縷輿情感深莫報謹連名具呈謝

恩伏望轉達

宸聽等情到臣欽惟我

皇上

德隆覆載

化洽生成發賑蠲租無一夫不被

聖澤崇儒重道俾多士咸沐

殊恩恭逢

萬壽之昌期

特舉掄才之曠典十年增一試慶

壽考之作人四海悉同文開萬年之景運仰荷

皇恩之優渥羣欽

帝德之高深茲據士子顛懇代

題謝

恩臣不敢墮於

上聞謹會同帶理江南江西總督印務江西撫臣郎廷
極合詞具疏題達伏乞

皇上睿鑒施行

巡撫浙江等處地方提督軍務兵部右侍郎兼
都察院右副都御史臣王度昭謹

題為普天仰

聖壽之仁多士樂同文之治公籲詳

題代陳謝悃事據浙江布政使司布政使徐欏詳稱

據杭處等十一府各屬舉貢監生員李庚星

包芝豫等連名合詞呈稱竊惟人才培於百世

文運開於萬年自古為難於今特盛康熙五十

二年恭逢

皇上六十萬壽

特旨開科通行直省四海仰

作人之化八垓誦

壽考之章士子舒着臣鄰拜手庚星等躬蒙

恩詔感激無涯懇請據情轉詳

題謝等因由各府轉詳到司欽惟我

皇上

功參化育

道協清寧

盛世文風廣被東西南朔

熙朝雅化遠邁虞夏商周茲康熙五十二年恭遇

皇上六旬萬壽人文蔚起

聖朝慶得英才海宇歡騰多士悉登雲路永彰太平之

有象共祝

國運於無疆茲據各士子籲請前來所當轉詳

題謝等因到臣據此該臣看得三年取士本一代之

弘文

萬壽開科實千秋之特典

恩覃士類慶溢儒林欽惟我

皇上

聖神文武

博厚高明

五十一年之化澤旣周被乎兆民

六旬萬壽之恩光又先施於多士歷逢癸巳

特旨開科試舉春秋通行直省國楨藉國本以長培奎

曜附庚躔而竝燦宜多士感頌無疆而籲請

題謝也茲據布政使徐欉詳報前來理合恭疏代

題伏乞

皇上睿鑒施行

巡撫湖廣等處地方提督軍務都察院右副都

御史加五級降一級又降二級留任

臣

劉殿衡

謹

題為

聖壽同天地無疆人文與星雲竝煥羣沐作人盛化謹

請恭謝

天恩事據布政使司布政使李錫詳稱據武漢黃安德
荆襄鄖八府屬舉人貢監生生員蔣天柱孫昌
運等呈稱伏惟貞元際會太和保合於九州道
學昌明雅化昭垂於千古蓋上有

仁壽之主則禮樂綿長下闢俊乂之門斯人文蔚起慶
升恒之日月喜遭際於風雲康熙五十二年恭
逢

皇上六旬正誕繞萬歲之瓊枝共見戩戩髦士上千秋
之金鑑欣看濟濟鵷班乃猶博採旁搜惟恐遺
賢於草野崇儒重道必期登俊於

廟廊爰開

萬壽之科用著千秋之例由京畿以迄千八百國中外
均霑自周甲而至億萬斯年天人叶應此真亘
古難逢之

盛典實

聖世特沛之弘恩也柱等草茅下士樗櫟庸材聞

綸綍之自天末由九叩惟歡呼之匝地願祝三多伏祈

俯采輿情代請

題達等情到司欽惟我

皇上

功隆宇宙

德冠古今樂育菁莪久闢賢關以籲俊栽培杞梓尤

徵壽考之作人茲當康熙五十二年恭遇

皇上六旬萬壽

特允開科彙春華秋實以同登仰壽海福山而齊祝歡
騰九有喜溢三湘理合據情呈詳伏乞俯賜代

題等情呈詳到

臣欽惟我

皇上

道洽三才

恩敷九有

功德邁百王而上

文章集羣聖之成重道崇儒四海慶休明之治興賢
造士普天沐化育之仁疊蒙廣額

鴻慈久被右文

雅化茲於康熙五十二年恭逢

皇上六旬萬壽特下

絲綸之命允開鄉會之科十載加行萬年為例斯真
聖朝獨舉之曠典亘古未有之

殊恩也從此作楨作幹永綿歷服於無疆為拜為颺長

奉

天顏之有喜茲據布政使李錫詳懇

題謝前來臣敢不據實上

聞謹會同督臣鄂海具疏代

題恭謝

天恩伏乞

皇上睿鑒施行

巡撫偏沅等處地方提督軍務兼理糧餉都察

院右副都御史降三級留任

臣

潘宗洛謹

題為

聖主萬壽無疆人文千載竒遇恭謝徧錫

隆恩謹請轉陳微悃事據湖南長靖等九府州屬舉人
貢生監生生員李天柱沈鏞等呈稱伏惟金甌
鞏固九絃祝

聖壽無疆玉厯綿長萬國慶人文丕振漸仁摩義治以
悠遠而化成說禮敦詩士因教養而蔚起固已

菁莪並育久見茅茹彙征茲康熙五十二年恭
遇

皇上萬壽正誕繞樞紫電瑞叶飛龍煥日長虹輝聯苞
鳳迺因非常之慶得邀

異數之加爰開鄉會兩科並及中外各省碧桃浪煖快
看鱸鮓飛騰丹桂風高疊見鷓鴣翬舉從此朝
皆髦士抑亦野鮮遺賢冀北空羣賞在牝牡驪
黃之外斗南拔萃收來梗楠杞梓之材秦中本

是帝王都勿歎蒹葭霜露洛邑由來天地合羣
歌鐘鼓辟雍鄒魯之芹藻長新廓邶之榛苓不
作五豬學海湧萬斛之珠璣三峽詞源挾九天
之風雨廬阜之精英欲降豫樹翻風錢塘之間
氣重浮江潮吼月鯨波滄海寧餐火棗於蓬萊
鳥道滇黔豈折露葵於空谷同人文於四海雲
漢為章舉

曠典於十年莊椿常茂柱等跼伏南隅心依

北極自

天渙號早知壽考作人匝地鳴歡樂附思皇多士但以
輿情鼓舞難達

天闔伏乞繕疏敷陳獲通

宸陛行見洞庭浩蕩永祈河清海晏之休衡嶽從隆長
慰華祝嵩呼之願矣等因到臣欽惟我

皇上

功超千聖

德邁百王

恩膏久洽乎羣倫教育益深於多士軫念人才難得更
令茅茹彙征欣逢康熙五十二年

皇上萬壽正誕特開鄉會兩科自茲億萬斯年永為定
例

綸音徧布士氣奮揚將見人文蔚起齊祝
聖壽之無疆俊乂咸登共贊

皇圖之悠久茲據舉貢生監等呈請具

題前來事關輿情感戴不敢壅於

上聞臣謹會同督臣鄂海恭疏代謝

聖恩伏乞

皇上睿鑒施行

巡撫江西等處地方兼理軍務都察院右副都

御史加四級降一級臣郎廷極謹

題為恭逢

萬壽加科共慶千秋曠典公懇詳請特疏具

題以謝浩蕩之

皇恩以祝綿長之

聖壽事據江西布政使司布政使傅澤淵詳稱據南昌
等十三府屬舉人貢監生員萬物觀郭文正等
呈稱欽惟

皇上聖教弘敷

天恩覃被千百國之人才蔚起億萬年之文運日隆茲
惟康熙五十二年恭遇

皇上六十萬壽瑞叶升恒祥徵清晏際此非常之慶
特頒異數之恩爰於二月內開

萬壽鄉科於八月內開

萬壽會科嗣後每遇十年

皇上萬壽正誕即加一科億萬斯年永為定例物覩等

忻遇太平

盛典欲申感激微忱為此連名具呈公籲轉詳

題達庶使士子塗歌巷舞之誠上徹

宸聽益見

聖朝地厚天高之德徧愜輿情敬謝有加靡已之
皇恩虔祝悠久無疆之

聖壽等因轉詳到臣欽惟我

皇上

學邃聖神

心參化育

治功廣運配行健以無疆

德教遐敷體至誠而不息四海慶昇平之治蕩蕩巍巍
魏三呼歌福祚之長熙熙皞皞日星雲漢天開
炳蔚之華棧樸菁莪士際休明之盛茲康熙五
十二年恭遇

皇上六十萬壽惟

天祐

聖齊景福於升恒惟

帝作人潤

皇猷於黼黻

俯俞羣願

特沛殊恩俾一歲而竝行鄉會科均霑

聖澤越十年而一舉億萬齡永作成模自此輿情鼓舞
統八方九有而愛戴咸周

聖歷綿延偕地久天長而文風遐播臣躬逢隆盛心切

歡欣茲者臣所屬地方舉貢監生生員萬物覩

等感

聖德之洪敷冀微忱之上達沐

恩如水與彭蠡以俱深戴

德如山偕廬峰而比重歡聲雷應千里皆同衆志葵傾

三霄不遠懷文而至皆願瞻

天子之光載筆而來惟咸祝

聖人之壽茲據布政使傅澤淵詳請具

題前來理合恭疏代

題伏乞

皇上睿鑒施行

萬壽盛典初集卷三十四